

# Faminaniana sy fanambarana ho an'izao tontolo izao (GV 180), Madagasikara 11 janoary 2020

**Matio 21: 43** "Ary noho izany dia lazaiko JESOSY aminareo hoe: hesorina aminareo ny Fanjakan'i JEHOVAH ka homena izay firenena mahavokatra ny voany."

Ho anareo manam-pofon'aina rehetra am-bany masoandro, toy izao ny Hafatroy JEHOVAH aminareo, fantatra fa iomehezana ireny mpanompoko ireny rehefa ampite-neniko, ampanoratiko, irahiko toa an-dry JEREMIA, ry ISAIA, ry ELIA sns...Fa izao e! FITIAVAKO IZAY NOFORONIKO no antom-pisian'izany. Heverinareo fa tsy mampalahelo AHY JEHOVAH moa izao zava-misy ambany masoandro izao? Fifandringanana, fifampiandaniana, ady tsy misy farany, zera baomba sesilany, fifamonoana amin'ny endriny isan-karazany, fihantsiana isam-pirenena, fitsitokoto-koana isam-bazan-tany. Midika sy milaza inona izany rehetra izany? Anareo angaha ny lanitra sa anareo angaha ny tany dia sahy manao zavatra mihoa-pampana toy izao ianareo ry zanak'olombelona? Ry avy any avaratra! Aoka izay! Ry ao atsimo, mba mitoera ihany! Ry ao andrefana, aza taitaitra amin'ny zava-misy! Ry atsina-nana! Mandrenesa dia mahalala Fahamrinana! Fa arakaraky ny ataonareo no mahafeno poizina ny tany, ny fahadisoan-kevitra anananareo no mamadika ny fia-nanareo ho loza, ny fanoheranareo Fahamarinana no miteraka zava-poana eo amin'ny fiainanareo. Efa mba nodinihaneareo va izao ry zanak'olombelona? Man-kaiza ny fiafaranareo e? miafara amin' inona ny ditran'ny fonareo? Iza no miantoka ny ampitsonareo ary iza no antenainareo amin'ny faran'ny andronareo? Indro efa miseho lany izay voasoratry ny Bai-boly ary aoka tsy hasianareo ady hevitra velively, **II Timoty 3: 2.** Tandremo fa ny sasany aminareo anie ka efa latsaka ao anatin'io teny io. Ny rà latsaka tsy atra-dariny, ny aina nafoy tsy amin'ny antony dia miteraka fandozana amin'ny tany, **Genesi-sy 4: 12.** Amin'izao vanin'andro izao, tsy ny isam-batan'olona intsony no mila mibe-baka fa ny fianakaviana isan-tokony, ny fiangonana isan'isany, eny ny firenena manontolo mihitsy. Hadinonareo angaha ny tantaran'i Jona tao ninive, ny tao Sodoma sy Gomora, ary Noa sy ny safodrano? RINGANA, RINGANA, RINGANA. Mba tsy hiverenan'izany dia aza mi-homehy ireo mpanompoko na manisy ratsy ny mpaminaniko, manao tsinon-tsinona ireo voahosotro fa loza anie ny miandry ny tany! dia hoy ianareo hoe izany foana. Rankizy, tsy tiako ianareo hi-fanehitra amin'ny loza fa raha mbola IZAHO koa no JEHOVAH, toy izao atrehanao izao ny fombako. MPAMONJY AHO amin'ny alalan'i JESOSY. Aza hadino fa tsy hitanao maso ny fahavalonao. Avy aminy avokoa izao zava-misy eo aminao izao. I losifera no fahavalontsika miaraka. Avelao AHO HITENY, HANANATRA SY HANOLO-TSAINA FA AZA RARANA. FI-TIAVANA NO ANTON'IZANY. Ry vazantany o! Mba misy mpanompoko ihany ve eny aminareo eny? Mba manambara an'i JESOSY KRISTY ve izy ireny? Mba mampahafantatra zava-miafina aminareo ve izy ireny? Mba mampianatra zava-miafina? Mba lazainy aminareo va ny fiafaran'izao tontolo izao sy ny fomba hahatongavana ao amin'ny FANJAKAKO? Efa fantatrareo va ny fiafaran'izao tontolo izao, ny fiverenan'i JESOSY? Mba te hiarahiaina AMINY arivo taona va ianao? Ry mpanompoko! Aza variana miady hevitra, ry mpitondra fanjakana , aza variana mifampiandry, ry olombelona isan-tokony, aza variana manjeny fa efa mihafohy ny andron'ny zanak'olombelona fa izay efa fotoana lasa sy nodiavina tsy mba fanisa intsony ireny. Raha ho avy amin'ny Teniko AHO, efa vonona ve ianao? Raha tonga miaraka amin'ny Heriko AHO, mino ve ianao? Raha miaraka amin'ny Fahefako AHO , mety aminao ve? Raha mameetraka ny FANJAKAKO AHO, mandositra angamba ianao. Satria ianao tsy nihaino izay nambarako sady mankahala izay notene-niko, tsy mino izay nolazaiko, manamafy

ny sofinao, nanifikifi-doha, nanampina ny masonao, nanampina ny vavanao, tsy nety nandre na inona na inona intsony ny oronao, nihodina ianao raha nanolotra sy nanome AHO, nijadona ianao raha nani-raka mpanompo AHO, tsy tianao ny feoko, nandosiranao ny Fahamarinako, niome-hezanao ny fombako ary tsy nekenao ny asako.

RY MPONIN'NY TANY O! Niandoha tao AMIKO ianareo dia tsy maintsy miafara ao AMIKO. Mba diniho kely izao, roa ihany ny lalana:

1- Ireo olom-boavonjy no mankao ami-n'ny Paradisa izay noforoniko ho an'izay nino an'i JESOSY sy nanaraka AZY ao amin'ny FANJAKANA. **Apokalypy 3: 12**

2- Misy ny helo ho an'ireo olona izay tsy voavonjy fa handa an'i JESOSY tsy ho Mpamorony sy tsy ho Mpanjakany fa mi-hevitra izany ho tantara sy anganongan fotsiny ka namorona fiainana ho azy ka nataon'i losifera rapa-dango nanompo sy nanaraka azy. Dia indrisy fa nentiny any amin'ny helo izay toerana voatokana iahaha-mijaly aminy, ampahoriany izay voataonany tamin'ny asa ratsy rehetra. **Apokalypy 20: 10.**

Ry olombelona o! Tsy sasatra mihitsy AHO manitsy, mananatra, mitia, milaza famonjena anareo, mampahafantatra Fahamarinana anareo ary manolotra an'i JESOSY ho fiainanareo, **Jaona 14: 6.** Tsy mivoa AHO, JEHOVAH no Anarako, IZAHO izao manoratra izao soratra mivanta soratako amin'ny alalan'ny mpamiany tahaka ny tamin'ny andro taloha. Mampalahelo fa arakaraka ny isehoako no mampiavonavona ny fon'ny olona. Ataovy ampy anareo ny zava-misy sy mitranga izao fa tsy misy hananatra anareo intsony anie fa satrin'i losifera lasany avokoa ianareo. JESOSY ihany no azoko atolotra anareo fa IZY ihany no fiainana, **Jaona 10: 10.** IZY no afaka hitarika anareo amin'ny lala-marina sy lalan-tsara rehetra. IZY irery no MPAMONJY nandatsaka ny Rany ho famelan-keloka, afaka ny ainy ho famonjena izao tontolo izao. Raha misy ankoat'izany dia diso sady tsy marina. Raha hanolo-tena ianao, raha hanao fanekena ianao, IZY antsoina, IZY arahina. Hoy ny Teniko "antsoy AHO dia ho valiako ianao" **Jeremia 33: 3.** Ry mpiphaino, ry mpamatantara zava-miafina mba manandrama hoe Fahamarinana. Izay takiako no ataovy, izay lazaiko no araho dia hahita sy hahalala ny tena fiainana ianao. Mba andramo ihany izay voasoratra ary mba ekeo ihany ny hafatra fa ho an'izao tontolo izao sy ny mponina ao aminy. Ianareo ve mihevitra fa ny ady fahatelo dia zera baomba sy ny firenena miady antano ihany? TSIA fa NY ADY FAHATELO DIA IREO KARAZANA LOZA TSY HAY TOHAINA IZAY MIAFARA AMIN'NY FA-HAVEREZAN-KEVITRA LALINA RAHA TSY MIANTSO AN'I JESOSY NY TANY.

Amen!

Mbola hitohy.

Amen!

JEHOVAH MPANJAKA MANDRAKIZAY

Telephone : **033 12 461 43, 034 44 966 48**

E-mail:  
jehovahandriamanitra@gmail.com

Facebook : Jehovah Andriamanitra page

Radio:

Antsiva, FM 97.6, Alarobia maraina 5ora 45min- 6ora

Soa Radio, FM 96.8, Alahady maraina 6ora 30min -7 ora

RMK, FM 102.4, Asabotsy 12 ora -12 ora 30min

Gazety efa miara-miasa, Ny Valosoa Vao-vao (www.gvalosoa.com): mivoaka Talata sy Asabotsy

## An-tsary misongadina Ny Valosoa Vao-vao Helisoa

Hanala ireo mpivarotra amoron-dàlana ny polisy.



Mitarika ny Uscafoot amin'ny baolina kitra eto Analamanga.

